

exemplo, tum etiam, quum res aut occasio postularet, publicâ potestate aut jurisdictione promoverent ac tuerentur; id ipsum alma studiorum Universitas, hoc præsertim tempore, ad officium suum pertinere credidit: idque eo potissimum consilio, ut omnibus palam ostenderet, a novitiis quorundam, quos olim in sinu suo foverat, professorum opinionibus ac erroribus, neminem filiorum suorum, quos quidem agnosceret, non alienum esse, fuisseque semper; nihilque eis præquæ cordi esse, quam in antiquâ Ecclesiæ & majorum nostrorum doctrinâ, atque in Sedem apostolicam observantiâ, habitare perpetuè ac consensescere.

Quare notum sit universis, Eminentissimum Dominum cardinalem archiepiscopum Mechliniensem, quum ab aliquo tempore, celebrem suam, quam de doctrinâ professorum Seminarii, utz dicebatur, generalis, die XXVI Junii 1789 Mechliniæ ediderat sententiam, ad S. Facultatem theologicam Lovanium misisset, eamdemque ad promendum assensionis suæ firmum ac stabile iudicium simul invitasset, pro pastoralis suæ sollicitudine Litteras etiam ad nos dedisse, quibus inter alia, nullam sibi adesse dubitationem asserbat, quin ipsa quoque Universitas, conjunctis studiis animisque, hanc Fidei & doctrinæ causam pro viribus tueri, ac pro autoritate sua sustentare modis omnibus festinaret.

Nos igitur tam pio tamque salutari Eminentissimi Antistitis desiderio morem gerere cupientes, atque id præstare, quod modò præstitit Facultas nostra theologica, edito in hanc rem programme, quo omnibus sibi subjectis ac in posterum subjiciendis severe mandat, ut avitam Ecclesiæ Romanæ ac Scholæ Lovaniensis doctrinam, quam in laudato archiepiscopali iudicio perspicuè contineri publicè profitetur, magnâ deinceps constantiâ teneant ac tueantur, neque usquam contraria docere aut tenere in animum inducant: idem nos omnibus ac singulis Universitatis nostræ alumnis, cæterisque quavis ratione eidem subjectis, clericis tam regularibus quam sæcularibus laï-